

卷十三

廣文選卷第一

明通議大夫都察院右副都御史大庾劉節廣

天地廣

天地賦

成公子安



惟自然之初載兮道虛無而玄清太素紛以溷淆兮始
 有物而混成何元一之芒昧兮廓開闢而著形爾乃清
 濁剖判玄黃判離太極既殊是生兩儀星辰煥列日月
 重規以尊地靜以卑昏明迭炤或盈或虧陰陽協
 氣而謝寒暑隨時而推移三才殊性五行異位千變
 萬化育庶類授之以形稟之以氣色表文采聲有音
 律應無方流形品物鼓以雷霆潤以慶雲八風翱翔

書名 廣文選八十二卷 嘉靖十二年序刊本
 撰者 明 劉節 輯
 卷 卷十三
 內容分類 集-總集-詩文
 索書號 大木-集部-總集類-3
 編號 D7920300

彩色首頁

東洋文化研究所漢籍目錄 編號: D7920300
 東洋文化研究所漢籍目錄所藏漢籍善本文影像資料庫 索書號: 大木-集部-總集類-3
 漢籍善本文影像資料庫文本廣文選八十二卷 嘉靖十二年序刊本
 版權所有: 東京大學 東洋文化研究所
 使用上的注意事項

廣文選卷第十二

江都曹開校

廣文選卷第十三

明通議大夫都察院右副都御史大庾劉新廣

詩

遊仙

遊仙詩

魏文帝

西山一何高高高殊無極上有兩仙童不飲亦不食與
我一丸藥光曜有五色服藥四五日曾臆生羽翼輕舉
生風雲倏忽行萬億流覽觀四海茫茫非所識

遊仙詩

曹子建

人生不滿百歲少歡娛意欲奮六翮排霧凌紫虛蟬
蛻同松喬翻跡登鼎湖翱翔九天上騁轡遠行遊東觀
扶桑曜西臨弱水流北極玄天渚南翔陟丹丘

五遊詩

曹子建

九州不足步願得凌雲翔逍遙八紘外游目歷遐荒披
我丹霞衣襲我素霓裳華蓋芬晻藹六龍仰天驥曜露
未移景倏忽造昊蒼閭闔啓丹扉雙闕曜朱光徘徊文
昌殿登陟太微堂上帝休西櫺群后集東廂帶我瓊瑤
佩漱我沆瀣漿踟躕玩靈芝徙倚弄華芳王子奉仙藥
羨門進奇方服食享遐紀延壽保無疆

遊仙詩

嵇叔夜

遙望山上松隆谷鬱青葱自遇一何高獨立迥無雙願
想遊其下蹊路絕不通王喬棄我去乘雲駕六龍飄颻
戲玄圃黃老路相逢授我自然道曠若發童蒙採藥鍾
山隅服食改姿容蟬蛻棄穢累結友家板桐臨觴奏九
韶雅歌何邕邕長與俗人別誰能覩其蹤

遊仙詩

張茂先

雲霓垂藻旒羽挂揚輕裾飄登清雲間論道神皇廬蕭
史登鳳音王后吹鳴竽守精味玄妙逍遙無為墟

遊仙詩

郭景純

璇臺冠崑嶺西海濱招捶瓊林籠藻映碧樹疏莢翹丹
泉漂朱沫黑水鼓玄濤尋仙萬餘日今乃見子喬振髮
晞翠霞解褐被絳綃總轡臨少廣盤虹舞雲輅未偕帝
鄉侶千齡共逍遙

遊仙詩

成公子安

盛年無幾時奄忽行欲老那得赤松子從學度世道西
入華陰山求得神芝草珠玉猶戴上何惜千金寶但願



壽無窮與君長相保

遊仙詩 五首

王元長

桃李不奢年桑榆多暮節常恐秋蓬根連翩因風雲習
道遍槐岷追仙度瑤碣綠帙啓真詞丹經流妙說長河
且已榮曾山方可礪

獻歲和風起日出東南隅鳳斨亂煙道龍駕溢雲區結
賞自雲嶠移燕乃方壺金芝浮水翠玉竿挹泉珠徒用
霜露改終然天地俱

命駕瑤池隈過息羸女臺長袖何靡靡蕭管清且哀璧
門涼月舉珠殿秋風迴清鳥鷺高羽王母停玉盃舉手
暫爲別千年將復來

相沅有蘭芷洎吾欲南征遺佩長出浦舉絙望曾成朱
霞拂綺樹白雲照金楹五芝多秀色八桂常榮彌節
且夷與參差聞鳳笙

命駕隨所卽燭龍導輕驪沙澤振寒草弱水駕冰潮遠
翔馳聲響流雪自飄颻忽與若人遇長舉入雲霄羅繹
徒有睨鷓明已寥寥

和竟陵王遊仙詩 二首

沈休文

天嶠乘絳仙螭衣方陸離玉鑿隱雲霧溶溶紛上馳瑤
臺風不息赤水正漣漪崢嶸玄圃上聊攀瓊樹枝

朝止閶闔宮暮宴清都闕騰蓋隱奔星低鑿避行月九
疑紛相從虹旌乍升沒青鳥去復還高堂雲不歇若華
有餘照淹留且晞髮

招隱

招隱詩

張孟陽

出處雖殊塗居然有輕易山林有悔悞人間實多累鷓鷯
鷓鷯窮冥蒲且不能視鶴鷺導臯渚數爲矰所繫隱顯
雖在心彼我共一地不見巫山火芝艾豈相離去來捐
時俗超然辭世僞得意在丘中安事愚與智

招隱詩

張景陽

結宇窮嵐曲耦耕幽藪陰荒庭寂以閑山岫峭且深淒
風起東谷有弇興南岑雖無箕畢期膚寸自成霖澤雉
登壘確寒猿擁條吟溪壑無人迹荒楚鬱蕭森投禾修
岸垂時聞樵採音重棊可擬志回淵可比心養貞尚無
爲道勝貴陸沉遊思竹素園寄辭翰墨林

招隱詩

陸士衡

駕言尋飛遁山路鬱盤桓芳蘭振蕙葉玉泉涌微瀾嘉
卉獻時服靈木進朝飧朝採南澗葉夕息西山足輕條
象雲構密葉成翠屋結風佇蘭林回芳薄秀木

遊覽

遊宴詩

魏文帝

置酒坐飛閣逍遙臨華池神飈自遠至左右芙蓉披綠
竹夾清水秋蘭被幽崖月出照園中冠佩相追隨客從
南楚來爲我吹參差淵魚求伏浦聽者未云疲高文一
何綺小儒安足爲肅肅廣殿陰雀聲愁北來衆賓還城
邑何以慰吾心

於玄武陂作

魏文帝

兄弟共行遊駟車出西城野田廣開闢川渠互相經黍

稷何鬱鬱流波激悲聲菱芡覆綠水芙蓉發丹榮柳垂
重蔭綠向我池邊生乘渚望長洲羣鳥謹譁鳴萍藻濫
泛浮澹澹隨風傾忘憂共容與暢此千秋情

黎陽作二首

魏文帝

朝發鄰城夕宿韓陵霖雨識塗輿人困窮載馳載驅沐
雨櫛風舍我高殿何爲泥中在昔周武爰暨公旦載主
而征救民塗炭彼此一時惟天所讚我獨何人餘不靜
亂

殷殷其雷濛濛其雨我徒我車涉此艱阻遵彼洹湄言
刈其楚班之中路塗潦是御麟麟大車載低載昂嗷嗷
僕夫載仆載僵蒙塗冒雨霑衣霑裳

清河作

魏文帝

方舟戲長水湛淡自浮沈絃歌發中流悲響有餘音音
聲入君懷悽愴傷人心心傷安所念但願恩情深願爲
晨風鳥雙飛翔北林

銅雀園詩

魏文帝

朝遊高臺觀夕宴華池陰大酋奉甘醪獸人獻嘉禽齊
倡發東舞秦箏奏西音飛鳥翻翔舞悲鳴集北林樂極
哀情來慘恨摧肝心

清河作二首

王仲宣

悠悠涉荒路靡靡我心愁四望無煙火但見林與丘城
郭生榛棘蹊徑無所由萑蒲竟廣澤葭葦夾長流遊客
多悲傷淚下不可收朝入譙郡界曠然消人憂詩人美
樂土雖客猶願留

列車息衆駕相伴綠水湄幽蘭吐芳烈芙蓉發紅暉百
鳥何續翻振翼羣相追投網引潛鯉強弩下高飛白日
巴西邁歡樂忽忘歸

遊覽詩二首

陳孔璋

高會時不娛羈客難爲心愍懷從中發悲感激清音投
觴罷歡坐逍遙步長林肅肅山谷風默默天路陰惆悵
忘旋反歔歔涕霑襟

節運時氣舒秋風涼且清閑居心不娛駕言從友生翺
翔戲長流逍遙登高城東望看疇野迴顧覽園庭嘉木
凋綠葉芳草織紅榮騁哉日月遠年命將西傾建功不
及時鍾鼎何所銘收念還房寢恍慨詠墳經庶幾及君
在立德垂功名

登成都白菟樓

張孟陽

重城結曲阿飛宇起層樓累棟出雲表嶢嶢臨太虛高
軒啓朱扉迴望暢八隅西瞻岷山領峩峩似荆巫躡鷗
蔽地生原隰殖嘉蔬雖遇堯湯世民食恒有餘鬱鬱小
城中岌岌百族居街術紛綺錯高薨夾長衢借問楊子
舍想見長卿廬

華林園詩

晉武帝

習習春楊帝出乎震天施地生以應仲春思文聖皇順
時秉仁欽若靈則飲御嘉賓洪恩晉暢慶乃衆臣其慶
維何錫以帝祉肆覲羣后有客戾止外納要荒內延鄉
士簫管詠德八音咸理豈樂飲酒莫不燕喜

三月三日詩

王正長

招搖啓運寒暑代新豐豐不舍如彼行雲倚倚季月穆
穆和春皇儲降止宴及家賓家賓伊何且惟姻族如彼
葛藟衍于椽木郁郁近侍巖巖台嶽庶寮鱗次以崇天
祿如彼崑山列此琚玉巍巍天階亦降列宿右載元首
左光儲副大祚無窮天地爲壽

上巳會詩

阮宣子

三春之季歲惟嘉時靈雨旣零風以散之英華扇耀梓
鳥群嬉澄澄綠水澹澹其波修岸逶迤長川相過聊且
逍遙其樂如何坐此修筵臨彼素流嘉肴旣設舉爵獻
酬彈箏弄琴新聲上浮水有七德智者所娛清瀨澆澆
菱葭芬敷沉此芳鈞引彼潛魚委餌芳美君子戒諸

蘭亭集詩

謝安石

相與欣佳節率爾同褰裳薄雲羅景物微風翼輕航醇
醪陶丹府兀若遊羲唐萬殊混一象安復覺彭殤

蘭亭集詩

王逸少

仰視碧天際俯瞰淥水賓寥聞無涯觀寓目理自陳大
矣造化工萬殊莫不均群籟雖參差適我無非親

蘭亭詩

孫興公

流風拂枉渚停雲蔭九臯鶯語吟修竹游鱗戲瀾濤携
筆落雲藻微言剖纖毫時珍豈不甘忘味在聞詔

曲水集詩

謝惠連

四時著平分三春稟融爍遲遲和景婉天天園桃灼携
朋斯郊野昧旦辭堙郭裴雲興翠嶺芳飈起華薄解轡
偃崇丘藉草繞迴壑際渚羅時款託波汎輕爵

遊覽詩

棗道峯

矯足登雲閣相伴步九華徙倚憑高山仰攀桂樹柯延
首觀神州迴晴眄曲阿芳林挺修榦一歲再三花何以
濟不朽噓吸漱朝霞重岩吐神溜傾觴挹涌波恢恢大
道間人事足為多

時運詩

陶淵明

邁邁時運穆穆良朝襲我春服薄言東郊山滌餘霽宇
曖微霄有風自南翼彼新苗○洋洋平津乃漱乃濯邈
邈遐景載欣載矚之欲初視也稱心而言人亦易足揮茲一
觴陶然自樂○延目中流悠悠清沂童冠齊業間詠以
歸我愛其靜寤寐交揮但恨殊世邈不可追○斯晨斯
夕言息其廬花藥分殊林竹翳如清琴橫床濁酒半壺
黃唐莫逮慨獨在余 熊帝堯為陶唐

遊斜川詩

陶淵明

開歲倏五日吾生行歸休念之動中懷及辰為茲遊氣
和天惟澄班坐依遠流弱湍馳文魴閑谷矯鳴鷗迥澤
散游目緬然睇會丘雖微九重秀顧瞻無匹儔提壺接
賓侶引滿更獻酬未知從今去當復如此不中觴縱遙
情忘彼千載憂且極今朝樂明日非所求

從宋公遊戲馬臺詩

謝宣遠

風至授寒服霜降休百工巢幕無留鷺遵渚有來鴻輕
霞冠秋日迅商薄清窮聖心眷佳節鳴鑿戾行宮四遙
霑芳醴中堂起絲桐扶光迫西汜歡餘宴有窮

東山望海詩

謝靈運

開春獻初歲白日出悠悠蕩志將愉樂瞰海庶忘憂策
馬度蘭皋縹鞚息椒丘采蕙遵大浦蹇若履長洲白花
臨陽林紫囂燁春流非徒不彌忘覽物情彌適萱蘇始
無畏寂寞終可求

登永嘉綠嶂山詩

謝靈運

裹糧杖輕孳懷遲上幽室行源徑轉遠距陸情未畢澹
瀲結寒姿團藥潤霜質澗委水屢迷林迥巖逾密眷西
謂初月顧東疑落日踐夕奄昏曙蔽翳皆周悉蠱上貴
不事履二美貞吉幽人常坦步高尚邈難匹願阿竟何
端寂寂寄抱一恬如既已交繕性自此出

遊嶺門山人詩

謝靈運

西京誰修政龔汲稱良吏君子豈定所清塵慮不嗣早
蒞建德鄉民懷虞芮意洽岸常寥寥空館盈清思協以
上冬月晨遊肆所喜千坵邈不同萬嶺狀皆異威摧三
山峭節汨兩江駛漁商豈安流樵拾謝西芘人生誰云
樂貴不屈所志

石室山詩

謝靈運

清旦索幽異方舟越坳郊莓莓蘭渚急藐藐苔嶺高石
室冠林陬飛泉發山椒虛泛徑千載崢嶸非一朝鄉村
絕聞見樵蘇限風霄微戎無遠覽總筭羨升喬靈域久
韜隱如與心賞交合歡不容言摘芳弄寒條

登上戍石鼓山詩

謝靈運

旅人心長久憂憂自相接故鄉路遙遠川陸不可步汨
汨莫與娛發春托登躡歡願既無並戚慮庶有恡極目

疎左濶迴顧眊右狹日末澗增波雲生嶺逾疊白芷競
新茗綠蘋齊初葉摘芳芳靡諼愉樂樂不燮佳期緬無
像騁望誰云愜

春遊詩

張公庭

勾芒御春正衡紀運玉瓊明庶起祥風和氣翕來征慶
雲蔭八極甘雨潤四垓昊天降靈澤朝日耀華精嘉苗
布原野百卉敷時榮鳩鵲與鸞黃間關相和鳴菘萍覆
靈沼香花揚芳馨春遊誠可樂感此白日傾休否有終
極落葉思本莖臨川悲遊者節變動中情

登景陽樓詩

劉義恭

丹墀設金屏瑤榭陳玉床温宮冬開燠清殿夏含霜弱
藜布遐馥輕葉振遠芳彌望少無祭肆第周華疆象
輕艦長街盈方箱顧此爝火微胡顏厠天光

遊邸園詩

王元長

道勝業茲遠心閑地能隳桂崦鬱初栽蘭墀坦將闢虛
檐對長嶼高軒臨廣液液池水也芳草列成行嘉樹紛如積
流風轉還逕還音旋謂回旋之徑清煙泛喬石日汨山照紅松映
水華碧暢哉人外賞遲遲眷西夕

登高望春詩

沈休文

登高眺京洛街巷何紛紛迴首望長安城闕鬱盤桓齊
童躡朱屨趙女揚翠翰春風搖雜樹歲莖綠且丹寶瑟
玫瑰柱金羈玳瑁鞍淹留宿下蔡置酒過上蘭日出照
鈿黛風過動羅紈

遊鍾山詩

沈休文

靈山絕地德地險資岳靈終南表秦館少室邇王城北
阜何其峻林薄杳葱青發地多奇嶺千雲非一狀合沓
共隱天參差分相望鬱律構丹巘峻嶒起青嶂卽事旣
多美臨眺殊復奇南矚儲旨觀西望昆明池中咸可
悅賞逐四時移春光發隴首秋風生桂枝多值息心侶
結架山之足八解鳴澗流四禪隱巖曲

廣文選卷第十三

江都葛澗校

廣文選卷第十四

明通議大夫都察院右副都御史大庾劉節廣

詩

詠懷

在鄒詩

韋孟

微微小子旣苟且陋豈不牽位穢我王朝王朝肅清唯
俊之庭顧瞻余躬懼穢此征我之退征請于天子天子
我恤矜我髮齒赫赫天子剛哲且仁縣車之義以洎小
臣嗟我小子豈不懷土庶我王寤越遷于魯旣去禰祖
惟懷惟顧祁祁我徒戴負盈路爰戾于鄒鬻茅作堂我
從我環築室于牆我旣遷逝心存我舊夢我瀆上立于
王朝其夢如何夢爭王室其爭如何夢王我弼寤其外